

咳
餘
叢
考

陳餘量考

陔餘叢考卷二十九

陽湖 趙翼 雲崧

科舉分南北

明史選舉志明初禮闈取士不分南北洪武丁丑考官劉二吾白信蹈所取宋琮等五十二人皆南士廷試陳郊第一帝疑所取之偏命張信等十二人覆閱郊亦與焉帝悉誅信蹈及信郊等戍三吾於邊親自閱卷取任伯安等六十一人廷試以韓克忠爲第一皆北士也然訖永樂間未嘗分地洪熙元年始命楊士奇寺定取士之額南十六北十四宣德正統間又分南北中卷此科場分南北中卷之始也

七修類稿謂仁宗時楊士奇奏分南北卷及蹇義等議定各處類數議上宮中具爲至宣宗始

行之傳維縣明書謂宣德中上賞論科舉言兼南北士但北人學問不及南人楊士奇乃請將試卷例減姓名外書南北二字南十六北十四則似出于宣宗之諭而非
仁宗時事

前明兩京解元不必本省人

前明南北兩京解元不盡以本省人爲之按兩京求舊錄記南京解元洪武甲子廖孟瞻丙子尹昌隆辛卯徐則寧嘉靖壬子孫溥俱江西人洪武庚午黃文忠永樂戊子黃壽生俱福建人正德庚午許繼先嘉靖戊子許仁卿俱浙人北京解元景泰丙子徐泰正德丙子周光雷嘉靖戊子馬一龍辛卯馬從謙癸卯沈紹慶隆慶丁卯莊允中俱南直隸人正統辛酉章以占甲子司馬恂天順壬午鄭宏宏治戊午孫青辛酉謝丕嘉靖壬午周

薛己酉孫鋌俱浙江人成化丙午羅作江西人宣德壬子沐雍隆慶庚午李廷機萬歷癸酉柯挺俱福建人嘉靖丁酉鄭光溥山東人宣德己卯鄒冕河南人嘉靖乙卯楊濂四川人自萬歷壬子宋鳳翔以浙人領解此後必北直人居首矣

五經中式

鄉會試由五經中式者有明一代僅二三人洪武二十三年間人黃文忠試南畿五經題兼作以違式取旨特置第一免會試授刑部主事此五經之始也至崇禎甲

戌會試則福建顏茂猷

明史選舉志崇禎甲戌會試舉人成後猷通作五經文而許進內簾中榜特賜進士以其名

另為一行刻于試錄第一各之前

丁丑則江西揭重熙

見本傳

癸未則浙江譚貞

良馮元飈

見顧亭人日知錄呂種玉言鮪鈕玉樵軀脂

入

本朝則指不勝屈順治

丁酉鄉試山東法若真以全作五經監臨主司公薦異

才詔試玉芝宮以內閣中書一體會試丙戌成進士

館選

見寄園寄所寄

康熙丁卯順天鄉試海寧查嗣韓侯官林文

英皆全作五經以違例不准膾錄監試御史陸祖修特

疏以聞得旨許其一體會試戊辰俱成進士館選是歲王

午科順天鄉試五經監生二人一莊令與一俞長策初

以違例貼出仍具奏得

旨俱着授為舉人准會試嗣後做五經者不必禁止作

何定例九卿等詳議具奏

見谷神筆記

自是著為令甲各省定

額外加中五經一人於是習者益眾康熙癸未則清苑

張秉吟泰州官懋言山東李頌俱中式而各省鄉試亦多以此取中如王阮亭分甘餘話所記直隸陝西等省至有以五經掄元者而尤以戊子科江西解元李紱五經文及二三場皆博大精深謂其有萬夫之稟至雍正丙午科常州徐景曾鄉試以五經中副榜亦蒙 恩准其一體會試遂成庚戌科進士此尤出於常格也然文思敏捷者兩日一夕之力完此二十三藝實亦不難余亦以五經中乾隆庚午科順天鄉試辛未年會試奉一旨停止五經中式之例

按景書宋時鄭俠之父暈同五經出身大觀二年莆田黃泳以童子賜五經及第又蔡元孫吏

俱中九經狀元則前代已有之

遠省舉人給驛馬

今雲貴四川舉人赴京會試例給驛馬蓋自宋時已有此制燕翼貽謀錄云遠方寒士預鄉薦而不能至禮部良爲可念開寶二年十月丁亥詔四川山南荆湖等道所薦舉人並給來往公券令樞密使定例施行蓋自起程及還鄉費皆仰給於公家

科場給燭

袁文甕牖閒評謂唐時科場不許見燭五代竇貞固以晝短舉子不能盡所長乃請夜試許用三條燭故韋貽永詩三條燭盡鐘初動九轉丹成鼎未開此五代故事也然晚唐時有更報第三條燭盡文昌風景畫難成之句則唐時已有給燭之例

鄉闈用京官主試

宋時鄉試皆外官之有文者主之宋史蕭燧以進士爲平江推官有秦檜親黨密告以必主文漕闈曰丞相將以子相屬也燧拒之旣而被檄將就院忽易一員秦熈果中前列夷堅志天台丁可咸進士家居待闕漕使念其負檄爲常州考官續通考元制選考試官上都大都由省部選差各行省由行臺及廉訪使公同選差每處考試官一員同考試官一員元史熊朋來江西人延祐設科行省請朋來爲考官朋來以應試者多及門遂不就而就他省之聘吳澄有江西秋闈分韻詩序云延祐四年江西中書省舉進士典校文者七人或千里外或

千里內一時咸至云是宋元鄉試主文者皆不命京朝

官也

按元史暢師文爲翰林學士延祐四年主試河南歸卒于傳舍則又似以京官出典試豈近省用京官而遠省則就近徵聘耶

明初仍

宋元之制各省鄉試皆由監臨會同提調官聘他省有
文名之教職及居家士大夫主之至有用儒士者棘闈
記永樂中各省鄉試有儒士主考而品官反爲同考者
明史選舉志景泰三年命布按二司同巡按御史推舉
見任教官於是教官主試遂爲定例其後有司徇私聘
取監臨官又往往侵其權宏治中謝鐸言考官皆御史
方面所辟召職分旣卑聽其指授乞命部屬等官每省
差二員主考時不能用至嘉靖七年因張璁言乃差京
官主考閱戊子辛卯兩科仍罷至萬歷十一年又遣京

官自是遂爲定例云

選舉志亦謂景泰以後專用教職主考然亦有不盡然者如正統中胡瑩官陝西久思一見其父乃欲聘

父爲陝西鄉試考官父怒曰子

爲憲司父爲主考何以防閑乃止又少卿楊濂以服

闕主浙江武主事王守仁以病

主山東試皆非教官也吳青壇讀書質疑謂去治

甲子禮部議各省主試以進士

之不拘現任

湧幢小品謂嘉靖戊子

致仕恭因謝鐸之奏稍變其例

專用教官矣

辛卯二科差京官爲各省主考不用詞林皆科部及行

人爲之其給事中不獨於浙江江西卽山東兩廣雲南

四川亦用之至萬歷乙酉戊子差京朝官則用詞臣三

員或四員給事中亦同此數皆用之於浙江江西福建

湖廣而他省則用部寺以下官云其鄉試同考官之制

按明選舉志南京房考多用教職嘉靖七年以張璠言

加科部官一員二十五年從給事中萬虞愷言各省鄉

試房考精聘教職不足則聘外省推官知縣四十三

又從御史奏兩京同考用進士京官易詩書各二人春
禮各一人其餘乃參用教官萬歷四年又議北京同考
教官衰老者遣回取足於觀政進士南京取足於附近
推知於是教官不用矣

十八房

本朝會試及京闈鄉試所用同考官凡十八員謂之十
八房按分經本始於宋理宗紹定二年但不載房數今
之十八房蓋沿前明制也然明制亦有不定十八房者
明史選舉志初制會試同考八人其三人用翰林五人
用教職景泰中俱用翰林部曹正德中用十七人翰林
十一科部各三萬歷十一年以易卷多減書之一以增

於易十四年書卷復多乃增翰林一人以補之此十八

房之始也四十四年又因余懋學奏易詩各增一房遂

有二十房

懋學人云天啟乙丑易經詩仍各五房書三房春禮各一房爲十
五房崇禎戊辰復爲二十房辛未易詩仍各五房爲十八房癸未

復爲二十房

本朝酌定中制易詩各五房書四房春秋禮記

各二房共十八房相沿已久近日因同考官以經分房

有關節者易於按經尋索

特旨不復分經但以一二爲次仍用十八人此不惟可

以防弊且各經試卷多寡不等限之以房則卷少者甚

閒而卷多者幾於日不暇給余分校壬午鄉闈籤掣詩

五房通計京闈卷八千有餘而詩經獨至五千卷是五

考官較十三考官所閱之卷尙多三分之二不得已分

八百餘卷入春禮四房助校然詩經猶各閱八百餘卷其視易書等房每房不過二三百卷開劇大不侔也今不分經則各房所閱卷多寡適均可從容校閱不至苟簡矣

讀卷官

廷試進士例點大臣爲讀卷官今對策進呈後皆

上親閱不煩大臣讀也古時則實於御前跪讀宋史王沔最善讀仁宗每試舉人經沔讀者多在高選舉予納卷必曰得王楚望讀之幸也呂陶對策力言新法不便王安石讀未半神色頗沮神宗覺之乃命馮京竟讀胡安國廷試策以推明大學漸復三代爲主宰臣以其無

詆元祐語欲置下等哲宗命再讀擢第三王應麟傳廷
試進士上欲以第七卷爲第一卷應麟讀之曰是卷古
誼若龜鑑忠肝如鐵石臣敢爲得士賀遂置第一乃文
天祥也金史李晏傳世宗御後閣召晏讀新進士所對
策又堯山堂外紀羅倫旣中會試於禮部頒卷時乞增
紙以畢所欲陳禮部許之倫遂成三十幅李文達進讀
跪久至不能起上命中使掖之羅成大魁是古來讀卷
皆在御前跪讀今但擬別高下將前列十卷進呈候
上親定無所謂讀卷之事矣阮亭池北偶談謂今制內

閣九卿讀卷候

旨命讀則讀不命則否是 本朝令甲亦無不讀之明

文故仍曰讀卷官而不曰閱卷也特以聖學高深一覽瞭如母煩大巨捧讀耳

按古人奏事皆在御前跪讀不特讀卷也漢書霍光等奏皇太后廢昌邑王尚書令讀奏云云讀至平太后曰止爲人臣子當悖亂如是耶王離席伏尚書令復讀云云六朝以來亦有對仗讀彈文之制南史徐陵奏彈安成王瑱進讀奏狀安成在殿上流汗失色唐書畢構傳敬暉等表武三思等不宜爲王構以中書舍人當讀表抗聲析句左右皆曉王義方以李義府縱囚婦淳于氏逼死大理卿畢正義方乃具法冠對仗叱義府下跪讀狀宋史司馬光呂誨上建儲疏

韓琦讀於上前

韓琦傳

富弼讀張方平疏於上前漏盡十

刻

富弼傳

唐燭劾王安石上殿自安石曰王安石近御座

聽劄子乃抗聲宣讀凡六十餘條上屢上之燭讀自

若

戶部

林栗入奏事讀至人主常患權在臣下帝稱善

栗曰臣意尙在下文乃再讀

林栗傳

高宗初相李綱綱以

十事要說每劄面讀訖又陳其所以然

建炎退志

孝宗欲

行三年喪沈清臣論喪服六事讀甚久知閤張巖屢

叱之上令勿却巖奏恐妨進膳清臣正色曰言天下

事遂讀畢

案平

明呂震兼領禮戶兵三部凡奏事他尙

書皆執副本又與左右侍郎更迭進奏震獨奏三部

背誦如流水未嘗有悞

明史呂震傳

英宗北狩邸王監國午